

Dealer local cu misteriosamente a bula bay Tera Frieu...

Interrogacion a socede tambe na Hulanda den caso di Natalee

ORANJESTAD (AAN): Basta dia caba tabata circula informe cu un Dealer local y hoben, kende tabata traha na un Casino na Highrise Hotel,

net despues di e caso di desaparicion di Natalee, a hisa bela y a viaha pa Hulanda.

Despues cu e Dealer a



viaha, a cuminsa circula informe cu e ta un hoben kende pa colmo conoce e tres hobennan, esta Joran van der Sloot, como tambe e rumannan Deepak y Satish Kalpoe.

E detaye importante aki, claro cu el a yega na oido di autoridad local tocante di e viaha supuestamente

repentino di e Dealer, kende mientras tanto ta na Hulanda.

Fuentenan yega a bisa, y informe nobo cu DIARIO ta dispone di dje ta indica cu e dealer encuestion cu a viaha pa Hulanda a worde interroga na mas di dos ocasion pa autoridad tanto na aruba y tambe na Hulanda relaciona cu e caso Natalee. Parce cu e

dealer W. a confirma di conoce entre otro Joran nos no por a saca afor si tambe durante di interrogacion el a trece dilanti si el a menciona e dos rumannan Kalpoe ta conoci cerca su persona.

Te ainda despues di casi dos luna cu Natalee a desaparece ta circula informe cu e dealer en cuestion tambe lo por sa algo di e caso. Pa evita mas rumor, DIARIO a logra di haya confirmacion cu autoridad local despues cu nan tambe durante di e investigacion a keda menciona e caso di e dealer cu a baha na awa direpiante a pone e miembronan a logra interroga e hoben di inicial W., ya caba na Hulanda. Tur detaye di e interrogacion a worde manda back pa Aruba.